


Escenario 3.B: Exportación de unidades por NFS con FreeNAS

Abordaremos neste apartado a compartición de carpetas en red con FreeNAS usando NFS, así como a configuración do acceso a estas carpetas tanto dende equipos Linux como dende equipos Windows.



Sumario

- 1 Compartir unha carpeta por NFS en FreeNAS
- 2 Administración dos usuarios de acceso á carpeta compartida
- 3 Acceso á carpeta compartida dende Ubuntu/Linux
- 4 Acceso á carpeta compartida dende Windows

Compartir unha carpeta por NFS en FreeNAS

- Compartir unha carpeta por NFS en FreeNAS



Dentro da pestana de **Shares** imos ao apartado de **NFS (Unix)**. Picamos en **Añadir Compartidos NFS (Unix)**.

A screenshot of the 'Añadir Compartidos NFS (Unix)' configuration form. The form contains several fields: 'Comentario' (comment) with the value 'Comun alumnos', 'Authorized networks' with '10.0.0.0/8', and 'Authorized IP addresses or hosts' (empty). There are checkboxes for 'Todos los directorios', 'Solo Lectura', and 'Silencio', all of which are unchecked. Below these are dropdown menus for 'Mapa raíz de Usuario', 'Mapa raíz de Grupo', 'Mapa de todos los Usuarios', and 'Mapa de todos los grupos', all set to 'N/A'. At the bottom, there is a 'Ruta' field with the value '/mnt/datos/comunalumnos' and a 'Browse' button. A link 'Add extra Ruta' is also present.


Debaixo de todo, na **Ruta** indicamos a carpeta a compartir, e arriba podemos indicar un comentario e as direccións IP que poderán acceder á carpeta (Isto tampouco vai supoñer un gran nivel de seguridade, xa que un equipo atacante podería utilizar facilmente unha desas direccións). Con respecto ao problema de seguridade que se comentou de NFS (ao confiar na autenticación dos clientes), unha opción interesante podería ser a de **Mapa de todos los Usuarios**, que permite mapear todos os usuarios que accedan á carpeta pola rede con un mesmo usuario que seleccionemos (por exemplo o usuario *nobody*). Así podemos restrinxir cos permisos o acceso á carpeta, pero por outro lado perderemos a posibilidade de definir restricións de acceso para distintos usuarios, xa que dende a rede todos accederían como usuario *nobody*. Neste caso deixamos este parámetro como está.



Como o servizo de NFS non está activo, preguntástenos se queremos activalo. Indicamos que si.



E xa está o servizo listo. Imos picar na chave para ver que podemos configurar...



Pero tan só son algunhas opcións para afinar o rendemento e a seguridade do servizo NFS. Non imos cambiar nada.

Administración dos usuarios de acceso á carpeta compartida

A administración dos usuarios é a mesma que a que vimos no apartado anterior con CIFS, de feito son os mesmos usuarios os que se validan nos dous servizos. Fixarse neste caso nos identificadores dos usuarios *noa* (1001) e *pia* (1002), xa que estes identificadores son a base da seguridade en NFS:

Shares x Servicios x Cuenta x										
Grupos Usuarios										
Add Usuario										
ID de Usuario	Nombre de usuario	ID de Grupo Primario	Directorio Personal	Terminal	Nombre Completo	Built-in User	E-mail	Disable password login	Bloquear usuario	Permit Sudo
1001	noa	1003	/nonexistent	/bin/csh	Noa Pin Pin	false		false	false	false
1002	pia	1004	/nonexistent	/bin/csh	Pia	false		false	false	false
0	root	0	/root	/bin/csh	root	true		false	false	false
1	daemon	1	/root	/usr/sbin/nologin	Owner of many system processes	true		false	false	false
2	operator	5	/	/usr/sbin/nologin	System &	true		false	false	false
3	bin	7	/	/usr/sbin/nologin	Binaries Commands and Source	true		false	false	false
4	tty	65533	/	/usr/sbin/nologin	Tty Sandbox	true		false	false	false

Acceso á carpeta compartida dende Ubuntu/Linux

Como dixemos, NFS é o servizo de compartición de carpetas propio de Linux. Porén, o explorador de ficheiros de Ubuntu non ofrece a opción de conectarse a unha carpeta compartida por NFS; así que imos ver como montar a carpeta usando comandos.

- **IMPORTANTE:** Observar máis adiante como acceso ao recurso segue o formato URL:
 - ♦ **servidor:/ruta completa até o recurso compartido no servidor,**
 - ♦ cando en CIFS é: **\\servidor\recurso compartido** (Sen ter en conta a ruta física no servidor para chegar até o recurso compartido).
 - ♦ Isto é aplicable tanto a clientes Windows como clientes Linux

- Acceso á carpeta compartida dende Ubuntu/Linux

```
administrador@ubuntu1310:~$ sudo apt-get install nfs-common rpcbind
Lendo as listas de paquetes... Feito
Construíndo a árbore de dependencias
Lendo a información do estado... Feito
Instalaranse os seguintes paquetes extra:
 libgssglue1 libnfsidmap2 libtirpc1
Paquetes suxeridos:
 open-iscsi watchdog
Os seguintes paquetes NOVOS hanse instalar:
 libgssglue1 libnfsidmap2 libtirpc1 nfs-common rpcbind
0 anovados, 5 instalados, Vanse retirar 0 e deixar 3 sen anovar.
Ten que recibir 437 kB de arquivos.
Despois desta operación ocuparanse 1372 kB de disco adicionais.
Quere continuar [S/n]? S
Rcb:1 http://es.archive.ubuntu.com/ubuntu/ saucy/main libgssglue1 amd64 0.4-2 [2
2,6 kB]
Rcb:2 http://es.archive.ubuntu.com/ubuntu/ saucy/main libnfsidmap2 amd64 0.25-5
[32,2 kB]
Rcb:3 http://es.archive.ubuntu.com/ubuntu/ saucy/main libtirpc1 amd64 0.2.2-5ubu
ntu1 [83,8 kB]
Rcb:4 http://es.archive.ubuntu.com/ubuntu/ saucy/main rpcbind amd64 0.2.0-8.2ubu
ntu2 [44,3 kB]
Rcb:5 http://es.archive.ubuntu.com/ubuntu/ saucy/main nfs-common amd64 1:1.2.0-2
ubuntu2 [254 kB]
```

Antes de nada, temos que instalar os paquetes **nfs-common** e **rpcbind**.

```
administrador@portatil17: ~$ sudo mount -t nfs 10.0.0.100:/mnt/datos/comunalumnos /media/comunalumnos/
administrador@portatil17:~$ ls /media/comunalumnos/
administrador@portatil17:~$ ls -ld
ls: cannot access '/media/comunalumnos/': No such file or directory
administrador@portatil17:~$ id
uid=1001(administrador) gid=1001(administrador) grupos=1001(administrador),4(adm),27(sudo),107(lpadmin),12
4(sambashare),125(sbsusers)
administrador@portatil17:~$ mkdir /media/comunalumnos/"Documentos para practica 6"
administrador@portatil17:~$ ls /media/comunalumnos/
Documentos para practica 6
administrador@portatil17:~$ sudo umount /media/comunalumnos/
administrador@portatil17:~$ ls /media/comunalumnos/
administrador@portatil17:~$
```

Co comando **mount** montamos sobre a carpeta **/media/comunalumnos** (que previamente temos que crear) a carpeta NFS. Vemos o contido da carpeta, e a continuación co comando **id** cal é o identificador do usuario actual: 1001 (Se non o fose, pódese crear un usuario con este id). Que sorte, coincide co de *noa* (aínda que o usuario co que iniciamos sesión non ten nada que ver con *noa*, e polo tanto non ten sentido). Así que se queremos crear unha carpeta, non haberá problema, xa que para o servizo NFS somos *noa* simplemente porque lle dixemos que temos o identificador de usuario 1001. Vemos por último como desmontar a carpeta con **umount**.

```
administrador@portatil17: ~$ sudo nano /etc/fstab
```

Se queremos que a carpeta NFS se conecte automaticamente cada vez que arranca o sistema, temos que modificar o ficheiro `/etc/fstab` (se se teñen dúbidas sobre a función deste ficheiro pódese consultar o seguinte [enlace](#)). Editamos o ficheiro como *root* co comando **sudo**.

```
# Montaxe de carpeta por cifs
//10.0.0.100/comunalumnos cifs user=nas,password=abc123.,rw 0 0


# Montaxe de carpeta por nfs
10.0.0.100:/mnt/datos/comunalumnos /media/comunalumnos2 nfs auto 0 0
```

As liñas que se ven permitirían conectar automaticamente as carpetas compartidas por CIFS e por NFS en dúas carpetas dentro de `/media`.


Acceso á carpeta compartida dende Windows

- Aínda que o protocolo NFS foi deseñado e utilizado fundamentalmente para redes Unix e Linux, tamén podemos acceder a unha carpeta compartida por NFS dende un equipo Windows.
- Se temos un Windows 7 *Ultimate* ou *Enterprise* non é necesario instalar nada, simplemente basta cos seguir as instrucións que se indican no seguinte enlace: <http://www.hackourlife.com/mount-linux-nfs-share-on-windows-7>
 - ♦ Se desexamos especificar o usuario seguir o punto 6 do seguinte enlace:
<https://vjavierf.wordpress.com/2012/02/07/montar-sistema-de-ficheros-nfs-en-windows-7-ultimate-o-enterprise/>
- Desesa forma podemos conectar unha carpeta compartida por NFS como unha unidade de rede da mesma maneira que unha carpeta compartida por CIFS.


- Acceso á carpeta compartida dende Windows



Executamos a aplicación **NFSClient**.



No programa, introducimos a dirección IP do equipo FreeNAS e picamos en **Connect**.



Con un funcionamento similar a algúns programas clientes de FTP, na parte da esquerda vemos unha carpeta local e na parte da dereita, seleccionando en **Remote Devices** a carpeta compartida por NFS, poderemos ver o contido da mesma. Arrastrando dunha parte a outra poderemos copiar ficheiros da carpeta compartida ao noso equipo, e á inversa.

- Se queremos montar unha carpeta NFS nun equipo MAC, podemos seguir as instrucións do seguinte enlace:
http://doc.freenas.org/index.php/Unix_%28NFS%29_Shares#From_Mac_OS_X_Clients

-- Antonio de Andrés Lema e Carlos Carrión Álvarez --